



گُریاں نی تعلیم

مشہور مقولہ ہے ”مردنی تعلیم فرد واحد نی تعلیم ہے، جد کہ گُری نے تعلیم ہک کنبے نی تعلیم ہے۔“ ”گُری بچاؤ گُری پڑھاؤ“ ایہہ نعرہ اج سارے دیش بچ لگ رہیا ہے۔ اس بچ کوئی شک نیہہ کہ گُری نی تعلیم بغیر اسا ہڑاسماج تہ دیش نامکمل ہے۔ مُنڈا ہک کُہر نا چراغ ہونا ہے جد کہ گُری دو کُہر نی روشنی ہونی ہے۔

ہک وقت آسا جد گُری نی پیدائش منحوس سمجھی جانی سی۔ دُنیا بچ گُجھ جگہاں تہ گُری کی جمنیاں ہی ماری دتا جانا سی۔ لیکن محمد ﷺ نے ایہہ تعلیم دتی کہ

بچیاں اللہ فی رحمت ہیں۔ انہاں کی مارنا گناہ کبیرہ ہے۔ انہاں اپنی بیٹی حضرت فاطمہؑ کی اخلاقی تعلیم دتی۔ جنہاں نے بطن بچوں امام حسنؑ اور امام حسینؑ جیسے باشعور بچے پیدا ہوئے۔ ماں تعلیم یافتہ ہوئے بچیاں نے اخلاق بچ نکھار آنا قدرتی گل ہے۔

ہک تحقیق نے مطابق دُنیا بچ جتنیاں وی نامور ہستیاں ہویاں ہیں انہاں نیاں ماواں قدر پڑھیاں لکھیاں سن۔ اصل بچ ہک بچے نی پہلی درس گاہ ماء نی چہول ہے۔ جس وقت بچہ ماء نی چہول بچ ہونا ہے ایہہ ہو وقت ہونا ہے۔ جد اس کول نویں لفظ سکھن نی قوت زیادہ ہونی ہے۔ اس طراں بچہ شروع شروع بچ ہی اچھے لفظ سکھنا ہے۔

گڑیاں زندگی نے کسے میدان بچ مرداں تھیں کھٹ نیہہ۔ ترکی نی صبیحہ خانم پائلٹ بنی۔ کلپنا چاولہ ہوانی بلندیاں بچ اڈی۔ رقیہ سلطانہ ہندوستان جئے بڑے ملک نی رہبر بنی۔ محترمہ اندرا گاندھی بھارت نی وزیراعظم بنی۔ اسطراں نیاں متیاں ہو روی مثالاں موجود ہیں۔ گڑی کی بچانا ہو پڑھانا دوئے کم اساں اُپر فرض ہیں اساں کی اس فریضے کی سمجھنا چائیے۔ اگر اراج وی گڑیاں کی تعلیم نہ

دتی جاوے اس نامطلب اساہڑا سماج نی ترقی نادمئن ہے۔ کوئی وی سماج گڑی نی تعلیم توں بغیر ترقی نیہہ کر سکنا۔ گڑی نی تعلیم دورِ حاضر پنچ بہت ضروری ہے۔ گڑی کی تعلیم نہ دینا نا انصافی ہی نیہہ بلکہ انسانیت ناقتل ہے۔ آؤ اسیں مل کے عہد کرنے ہاں کہ اسیں ”گڑی بچاؤ“ گڑی پڑھاؤ“ مشن کی کامیاب کرساں۔
اسطراں ہک بہترین سماج وجود پنچ آسی گا۔

1۔ اوہکھے لفظاں نامطلب:

نامکمل	:	اَدھ کر ڈھا
منحوس	:	بُرا
تحقیق	:	کھوج
کھٹ	:	کم

2۔ مندرجہ ذیل سوالاں نے جواب دیو:

(۱) گڑی کی پڑھانا کیساں ضروری ہے؟

(۲) اسا ہڑے ملک نی خاتون وزیر اعظم کون آسی؟

(۳) گڑی بچاؤ گڑی پڑھاؤنا کے مطلب ہے؟

3۔ خالی جگہاں کی پھرو:

(۱) گڑیاں واسطے تعلیم..... ہے۔

(۲) اسا ہڑے ملک نی جیہڑی گڑی خلاء بچ گئی اُس نا..... ہے۔

(۳) کسے وی سماج نی ترقی..... نی تعلیم نے بغیر نیہہ ہو سکنی۔

(۴) گڑیاں کی پیدائش نے وقت مارنا..... ہے۔

(۵) گڑیاں اللہ نی..... ہین۔

